

注類證活人書卷第十八

大半夏湯

〔六十四〕

治痰飲及脾胃不和

半夏不拘多少如法湯洗了薄切乾焙每遇隔
間有寒痰用半夏白茯苓生薑各一分細切水二
盞半煎至一盞濾去滓臨睡溫呷如有熱痰加炙
甘草一分如脾胃不和去甘草入陳橘皮一分同煎

越婢湯

〔六十五〕

治風痺腳弱

石膏

肆兩

附子

壹兩炮
去皮臍

白朮

貳兩

甘草

壹兩炙
微赤

麻黃

貳兩去節
湯泡焙乾

右件剉如麻豆大每服四錢以水一盞半生薑三

片棗子一枚煎至八分去滓服

脾約丸

六十六

治老人津液少大便澀及脚氣有風大

便結燥者

大黃

貳兩酒浸焙乾

厚朴

刮去皮用姜汁炙

枳殼

麩炒去穰

白芍藥

已上各半兩

麻子仁

壹兩半微炒

杏仁

去皮尖麩炒三分

右為細末煉蜜和杵千下丸如梧桐子大每服二十丸溫水下不拘時候未知加五丸十丸止下利

服糜粥將理

治溫疫時氣有積食者

六十七

巴豆

新好者壹兩輕槌去皮以急流水約三碗浸一宿然後更煮三至十沸後冷鹿出

心膜以帛千拭去水然後研如膏
用厚紙十數重裹以重物俾大油

五靈脂

煎分黑名

杏仁

半兩燒過後研入藥

大戟

半兩生用去皮裏面如粉白者為妙

荆三稜

半兩生用

豆豉

貳兩須要新軟者為妙不得令曬乾與巴豆膏同研勻細

右三味為極細末方始入巴豆豉研勻後入杏

仁更研令勻細別入飛羅麵半匙以井花水調如

糊漸次拌藥搜和得所入臼中搗三二千下丸如

菉豆大曬乾入麤合內頻晒或微火焙亦得如遇

傷寒有食積者脉沉結身體不熱即下之量患人

臟腑虛實加減丸數服用煎姜棗湯吞下取微利

為度不可太過溘泄身熱下之則為痞氣結胃若
病在上可吐者同生姜乾嚼三五丸

神功丸

六十八

治三焦氣壅心腹痞悶六腑風熱大便

不通津液內枯大腸乾澀裡急後重或下鮮血痰唾
稠粘風氣下流腰疼脚重臍下脹痛溺赤如金

大黃

參兩

人參

半兩

麻子仁

五兩另研

訶子皮

炮取貳兩

右杵研為細末煉蜜為丸如梧桐子大每服二十
丸溫水下日三服以通為度產後大便秘者每服
十丸米飲下

五柔丸

六十九

治老人虛人脚氣亡津液虛秘大便結

調補三焦

大黃

肆兩

前胡

壹兩

半夏

洗七次

茯苓

酒浸

芍藥

茯苓

去皮

細辛

當歸

葶藶

炒各半兩

右搗羅為細末煉蜜為丸如梧桐子大溫水下二十丸以通利為度

大三腕散

七十

治三焦氣逆胃膈虛痞兩脇氣痛面

手浮腫大便秘澀兼治脚氣

獨活

壹兩

白朮

參分

甘草

參分微炙

乾木瓜

切焙乾
秤壹兩

紫蘇

壹兩

大腹皮

壹兩
炙

陽橘皮

叁分

沉香

壹兩

木香

叁分

川芎

叁分

枳櫛

叁分

右十一味同一處杵為粗散每劑秤一兩水二盞

同煎至一盞去滓分二服帶溫服取便利為効如

能臨晚常進半劑依法煎服即腹臍調和風氣人

多秘滯數宜服之未通利者依法煎服此藥極不

虛人氣經驗多矣脚氣心腹氣悶大便秘滯者良

枳櫛散

七十一

治脚腫

橘葉

壹大握

沙木

壹握

小便

小盞

酒 半盞同已上藥煎

右煎數沸調栝柳末二錢食後服

薏苡仁酒法 〔七十二〕 治脚痺

薏苡仁 牛膝 各貳兩

海桐皮

五加皮 獨活

防風

杜仲 姜汁炙已上各壹兩 白朮 半兩

枳殼 壹兩炒

生乾地黄 貳兩半

右剉為釐末以生絹袋內無灰酒五升浸春夏秋冬二七日夏月盛熱分作數劑逐旋浸酒每日空心溫服一盞或半盞日三四服常令酒氣醺醺不絕

久服覺皮膚下如數百條虫行卽風濕氣也

木瓜散

〔七十三〕

治脚氣

大腹皮

壹枚

紫蘇

壹分

乾木瓜

壹分

甘草

壹分炙

木香

壹分

羌活

壹分

右細剉為散分作三服每服用白水一盞煎至半

盞去滓通口服

葱豉湯

〔七十四〕

治傷寒一二日頭項腰背痛惡寒脉緊

無汗者此湯主之

豆豉

二大合

葱白

十五莖

麻黃

四分去節

乾葛

八分

右件以水二升先煎麻黃六七沸掠去白沫乾葛煎二十餘沸下豉煎取八大合去滓分二次溫服如人行五六里服訖良久煮葱豉湯熱喫卽取汗

連鬚葱白湯

七十五

治傷寒已發汗或未汗頭疼如破

生姜

貳兩

連鬚葱白

寸切半升

右以水二升煮一升去滓分作二三服服此湯不差者服葛根葱白湯

葛根葱白湯

七十六

治頭疼不止

葛根

芍藥

知母

各半兩

葱白

一把

川芎

壹兩

生姜

壹兩

右剉如麻豆大水三升煎一升半去滓每服一湯盞

雄鼠屎湯

〔七十七〕

治勞復

梔子

拾肆枚 劈

枳殼

三枚 炒

雄鼠屎

二七枚 卽兩頭尖

右爲粗末每服四錢水一盞半入葱白二寸香豉

三十粒同煎一盞分作二服勿令病人知鼠屎

黃芩芍藥湯

〔七十八〕

治鼻衄

黃芩

叁分

芍藥

甘草

炙各半兩

右爲粗末每服三錢水一盞煎至六分去滓溫服

酒蒸黃連丸

〔七十九〕

治暑毒伏深累取不差無藥可治

伏暑發渴者此方尤妙

黃連

肆兩以無灰好酒浸面上約一寸以重湯熬乾

右搗羅為細末糊為丸如梧桐子大滾水下三五
十丸胃膈涼不渴為驗

茅花湯

〔八十〕

治鼻衄不止

茅花一大把水三盞煎濃汁一盞分作二服卽
差如無花以根代之

枳實理中丸

〔八十二〕

治傷寒結胃欲絕心膈高起手不

得近者宜此治之

茯苓

貳兩

人參

貳兩

枳實

十六片
楚砂

白朮

貳兩

乾姜

貳兩炮

甘草

貳兩炒

右搗羅為細末煉蜜為丸如雞子黃大每服一丸
熱湯化下連進二三服胃中豁然渴者加枯樓根
二兩下利者加牡蠣二兩煨之

小半夏加茯苓湯〔八十二〕治諸嘔噦心下堅痞膈間有
水痰眩悸者

半夏

伍兩湯浸洗七遍

白茯苓

叁兩去皮

右剉如麻豆大每服半兩水三盞煎至一盞秤生
姜四錢取自然汁投藥中更煎兩沸熱服不拘時
桔梗枳殼湯〔八十三〕治傷寒痞氣胃滿欲絕

桔梗

枳殼

蘇妙去穰名壹兩

右劉如麻豆大以水二盞煎至一盞去滓分二服

赤茯苓湯八十四治傷寒嘔噦心下滿胃膈間宿有停

水頭眩心悸

赤茯苓壹兩

芎藭半兩

半夏半兩湯洗七遍去滑

人參壹兩去蘆頭

白朮半兩

陳橘皮壹兩湯浸去白穰焙

右件藥搗羅為粗末每服四錢水一盞半生姜五片煎至七分去渣溫服不拘時候

香薷散八十五治陰陽不順清濁相干氣射中焦名為

霍亂此皆由飽食腥膾復啖乳酪海陸百品無所不餐多飲寒漿眠卧冷席風冷之氣傷於脾胃諸食結

而不消陰陽二氣壅而不反陽氣欲降陰氣欲升陰陽交錯變成吐利不已百脉昏亂榮衛俱虛令搏於筋令轉筋宜服此方

厚朴 去皮貳兩

香薷 穗壹兩半

黃連 貳兩二味入生姜四兩同作炒令紫色用

一方有白扁豆无良

右搗為粗末每服三錢水一盞酒半盞同煎至七分去滓用新汲水頻頻浸換令極冷頓服之藥冷則効速也仍煎服時不得犯鉄器慢火煎之兼治井時吐利霍亂腹中撮痛大渴煩躁四肢逆冷冷汗自出兩脚轉筋疼痛不可忍者須井中沉令極

冷頓服之乃有神効

犀角地黄湯

八十六

治傷寒及溫病應發汗而不發汗

內有瘀血鼻衄吐血面黃大便黑此方主消化瘀血
兼治瘡疹出得太盛以此解之

芍藥

參分

生地黄

半斤

牡丹皮

去心壹兩

犀角

壹兩屑如無以升麻代之

右剉如麻豆大每服五錢匕水一盞半煎取一盞
有熱如狂者

自言滿者為無熱更不用黃芩也

黃連解毒湯

八十七

治時疾三日已汗解或因飲酒復

劇苦煩悶乾嘔口燥呻吟錯語不得卧

黃連

參分

黃蘗

半兩

黃芩

壹兩

梔子

肆枚劈

右劉如麻豆大每服五錢水一盞半煎取一湯盞
去滓服未知再服進粥以此漸差外臺云凡大熱
盛煩嘔呻吟錯語不得眠皆傳此方諸人用之亦
効此直解熱毒除酷熱不必飲酒劇者

酸棗湯

八十八

治傷寒吐下後心煩之氣晝夜不眠

酸棗仁

肆升

甘草

壹兩炙

知母

貳兩

茯苓

參兩
去皮

川芎

參兩

乾姜

參兩

麥門冬 壹升去心

右為粗末每服四錢水一盞煎至七分去滓溫服

梔子烏梅湯 (六十九) 治傷寒後虛煩不得眠心中懊憹

梔子 半兩

黃芩 半兩

甘草 半兩炙

柴胡 壹兩

烏梅肉 拾肆枚微炒用

右為粗末每服四錢水一盞半生姜三片竹葉十

四片豉五十粒煎至七分去滓溫服

橘皮乾姜湯 (九十) 治噦

橘皮 通草

乾姜 炮

桂心 各貳兩

人參 壹兩

甘草 炙貳兩